



Rasem-rāmb ka be tɪ tuum sōmbs noom Wënd n yuud rasem-kāensā ye» rat n yeel tɪ rasem piigã

Yii a [bn ‘Abbaas nengě, -Wënd yard be b yiibã yĩnga-, a yeelame: Wënd Tën-tuumã, (Wënd puusg la A tɪlgr be a yĩnga), yeelame: «Rasem-rāmb ka be tɪ tuum sōmbs noom Wënd n yuud rasem-kāensā ye» rat n yeel tɪ rasem piigã, la b yeel yã: Wënd Tën-tuumã, baa Gɪhaadɪ Wënd sorã pugã? T'a yeele: «Baa Gɪhaadɪ Wënd sorã pug ka yuud-a ye, sã n ka ned sën yi ne a meng la a arzeka, n ka lebg baa fu».

[Naşun Şahuhun (Gom-sikdem sën manege)] [A Al-Buħariy la a Abuu Daawuud n togs-a la gom-bilã yii a Abuu Daawuud nengě]

Nabiyaamã (Wënd puusg la A tɪlgr be a yĩnga) kōta kibare, tɪ ad tuum sōng rasem pi-rēeng Higiimdã kiuug pugě wã, yēnda sōmblem n yuud rasem-rāmbã fãa gilli. La Şahaabsã, -Wënd yard be b yĩnga- sok Nabiyaamã (Wënd puusg la A tɪlgr be a yĩnga) tɪ Gɪhaadɪ zēng sën ka rasem pi-kāensã, rē yĩngã yēnda sōma n yuud bɪ yaa tuum sōms rasem-kāensã pugě? Bala bāmb rag n miime tɪ Gɪhaadɪ wã a bee tuum nins sën yuud yel-sōmdã pugě. Tɪ Nabiyaamã (Wënd puusg la A tɪlgr be a yĩnga) lok n yeele, tɪ ad tuum sōngo rasem-kāensã pugě, a sōmblem n yuud Gɪhaadɪ zēng sën ka rasem-kāensã pugě, sã n ka ned sën yi, t'a yaa sën zabde, la a kēes a menga la a arzeka zabrã pugě, tɪ yaa Wënd sorã yĩnga, n kong a arzeka, la a mengã maan kaalem Wënd sorã poorē, yãwã soab yel-sōmd n yuud tuum sōng rasem-kāensã pugě.

<https://sunnah.global/hadeeth/mos/show/6255>

